

No tin motibo pa panico ya cu lo aumenta mercado di Latino America y Europa

FAVI cu charla pa crea conscientisacion den comunidad tocante 'cacho di guia'



ORANJESTAD (AAN): Recientemente FAVI (Fundacion Arubano di esnan Visualmente Incapacita) a organisa un charla cu e tema 'Cacho di guia'. E cachonan aki ta cay bao di e categoria di 'working dogs' y e intencion di e charla tabata pa conscientisa y educa comunidad tocante e cacho di guia den comunidad.

Minister Cecilia kier kita hunta di supervision di AAA NV sin motibo y sin hustificacion!



ORANJESTAD (AAN): Parlamentario Dangui Oduber a indica cu Gabinete Wever Croes 1 y 2 a traha hopi duro pa percursu pa traha riba un ley di integridad y corporate good governance. Tin masha hopi iniciativanan a ser tuma pa percursu pa no tin metemento politico den companianan estatal y mantene e distancia necesario conforme reglanan di corporate good governance. Na e momentonan aki, AAA NV tin un hunta di Comisario cu ta cumpli cu e profielsen y cu semper a funciona manera debe ser. Ta personanan capacita, cu experiencia, cu conocimiento y cu a percursu pa supervisa y controla e maneho di aeropuerto.

Un epoca nobo di confrontacion mundial ta manifesta su mes

Aruba mester prepara pa e guerra cu inteligencia artificial

**Cyber Attack por causa daño enorme na base turistico di pais*

**Mundo ta registra atake strategico pa destruccion economico*

Delegacion Hubileo di Iglesia Catolico cu diferente evento pa recauda fondo pa bay Roma



ORANJESTAD (AAN): Recientemente e delegacion di hubileo di Iglesia Catolico a organisa un actividad na Kapel di Bethania di mainta te cu atardi, unda cu tabata tin un feria grandi specialmente pa mucha. E meta di e evento tabata pa recauda fondo pa un delegacion di Iglesia Catolico bishita Roma den luna di Juli.

Parlamentario Jennifer Arends-Reyes (AVP):

Aumento di 250 florin pa nos pensionadonan ta refleha e compromiso cu pueblo

Ronella Croes di ATA:

No tin motibo pa panico ya cu lo aumenta mercado di Latino America y Europa

**Cambio di maneho na Merca ta trece incertidumbre*



ORANJESTAD (AAN):

Siendo e entidad cu ta maneha turismo riba nos isla, Aruba Tourism Authority (A.T.A.) ta conoci pa tin tur escenario cubri for di adelanta. Mirando e desaroyo economico na Merca, nos mercado di mas grandi, ya caba Aruba ta anticipando escenarionan den caso cu Mericanonan biaha menos. Aunke cu ainda no por papia cu exactitud, si por ripara un tendencia cu, por lo menos reservacionnan, ta menos cu aña pasa, pa loke te lunanan nos dilanti. Pero tin puntonan cu ta sigui traha na favor di Aruba y panico sigur no ta existi.

E siman aki a habri cu un reunion den Parlamento di Aruba, entre otro e CEO di Aruba Tourism Authority (A.T.A.), Ronella Croes a duna splicacion tocante e posibel consecucionan di e maneho economico di parti di Merca pero tambe di desaroyonan rondo di esaki. A.T.A. a indica cu riba dia 10 di april ultimo nan a entrega e prome documento basa riba diferente analisis. E analisisnan ta basa riba informacion compila for di e socionan den aviacion, socio hotelero y tur operador cu ta bende Aruba den e mercado di Merca -cual ta representa mas o menos 50% di e negoshi cu ta drenta Aruba.

E conclusion cu a saca for di e analisis ta indica cu den e di dos mita di e aña aki por mira cu e pa-

tronchi di reservacion for di Merca, si compar'e cu aña pasa, por mira cu e aña aki ta menos te cu awor. Aña pasa tabatin mas reservacion haci. Tin mas cuatela promer cu "book" e biahe.

Den e siman di dia 19 di mei 2025, A.T.A. tin diferente reunion cu su socionan di Norte America principalmente pa haya un actualisacion di con e negoshi ta move. Diariamente ta ricibi varios informacion claro y no ta nota cambio drastico te cu awor compara cu local a trece dilanti.

Den e documento di 10 di april 2025, A.T.A. a inclui dos escenario si acaso tin un caida for di e mercado di Merca. E dos scenarionan ta 'hipotetico' y ta pa simplemente ilustra kiko lo pasa si Merca baha cu 5% e aña aki compara cu aña pasa of si Merca baha cu 10% compara cu aña pasa. No kermen cu esaki lo ta e caso! E ta simplemente pa ilustra y traha planes di contingencia, cual ta den eheccion caba basicamente. Den e prome situacion, si acaso e baha cu 5%, lo conduci na un bahada di 3% di turismo pa Aruba. Un bahada di 10%, compara cu aña pasa, lo por conduci na un bahada di turismo di 6%. Ambos escenario ta hipoteticamente. Ademas, si acaso e "tourism receipts" baha cu 5%, esaki lo conduci na un bahada di 4% di nos GDP nominal y si e baha cu 10% e lo con-

duci na un bahada di 7% di e GDP nominal.

E aña aki, A.T.A. a pone como proyeccion un crecimiento di 1% pa loke ta e cantidad di turista, stabilizando asina ki e cantidad di bishitante stay-over. E tarea ta keda pa garantis cu nos tin un turismo stabiel of yega e 1% y pa no tin disminucion den turismo. A.T.A. a actualisa e documento y a inclui loke ATA ta haciendo pa no tin disminucion en todo caso. Latino America y Europa ta wordo mas activa. Pa esaki A.T.A. y AAA ta den combersacion cu diferente aerolinea.

Si Aruba conoce un caida di 5% di Merca, lo nifica cu mas o menos 54.000 bishitante no lo bin Aruba. A base di e escenario optimal for di Latino America, e mercado lo por compensa 33.000 bishitante di e 54.000 di Merca. Ta trahando cu diferente aerolinea mirando cu esaki lo rekeri ampliacion di asiento aereo extra. E escenario lo keda cu enfoka halto riba mas bishitante di Brasil, Argentina, Chile y Peru.

For di Europa, ta den combersacion cu KLM pa aumenta e capacidad aereo pa mira si por compensa e restante di negoshi for di Europa. For di Canada, tambe tin un oportunidad mirando cu Canades ta biaha menos pa Merca.

E rol di Aruba Tourism Authority ta crucial, den conseha Gobierno di Aruba y pa tene tur partner den turismo cerca di otro pa traha den e mesun direccion. Ronella Croes no ta mira motibo pa bay den panico, pero si pa ta pendiente di tur desaroyo den e mercadonan cu ta yega Aruba.

"Aruba a demostra cu, na momento di reto, semper nos ta explora tur oportunidad y ta keda rela-



tivamente solido. Esey a sosode durante y despues di e pandemia. Mi no tin ningun motibo pa pensa cu awor lo ta diferente", asina Ronella Croes a indica. El a subraya

cu e cambionan di maneho na Merca ta percura pa incertidumbre, cu na caminda por cambia. Ban duna tempo, tempo!



Jolley Holding Aruba
V.B.A.

JOB OPPORTUNITY

Social Media Coordinator

Jolley Holding consists of 25 operating companies with diverse activities such as car dealers, car rental and leasing, retailing of souvenirs, gifts, books, leisure clothing etc, wholesale of consumer goods and pharmaceuticals, industrial laundry, real estate. The Group is active in Aruba, Bonaire, Curaçao and Antigua.

Are you passionate about social media and digital marketing? We are looking for a Social Media Coordinator to manage and execute social media strategies across multiple brands and businesses.

Key Responsibilities:

- Create and manage engaging content (images, videos, and text) for various social media platforms.
- Maintain brand consistency and adhere to marketing guidelines.
- Engage with followers and respond to customer inquiries to build a strong online community.
- Monitor and analyze social media performance, providing insights for improvement.
- Stay up to date with social media trends and competitor activities.
- Collaborate with marketing, design, and other teams to align strategies.

Minimum Requirements:

- Education: Bachelor's degree in Marketing, Communications, or a related field OR equivalent experience/certifications in social media management.
- Experience: 1-2 years in social media management, preferably handling multiple brands.
- Skills:
 - Proficiency in Facebook, Instagram, Twitter, LinkedIn, and social media management tools.
 - Strong writing and communication skills.
 - Basic knowledge of analytics and reporting tools.
 - Ability to work independently and in a fast-paced team environment.

Preferred Qualifications:

- Experience with graphic design tools (Canva, Adobe Creative Suite).
- Understanding of SEO and digital marketing strategies.
- Knowledge of social media advertising and paid campaigns.

Contact Information:

Is this the job you are looking for? Apply in writing (including your resume) to Jolley Holding V.B.A. at Sabana Blanco 41, Oranjestad, Aruba or send an email at marketing@jolleyholding.com before April 30, 2025. For more information call (+297) 281 9704.

All information will be treated with the utmost confidentiality and discretion.

Un epoca nobo di confrontacion mundial ta manifesta su mes

Aruba mester prepara pa e guerra cu inteligencia artificial

***Cyber Attack por causa daño enorme na base turistico di pais**

***Mundo ta registra atake strategico pa destruccion economico**

ORANJESTAD(AAN)—

Mientras Merca a yega na un acuerdo cu Ukraine pa sigui duna sosten den e confrontacion entre Ukraine y Rusia, e situacion na Medio Oriente ta empeora y e ambiente di guerra, cu dirigentenan mundial ta considera inevitabel, ta bira mas y mas alarmante. Mientras ta wordo papia di e poderio di armanan cu ta mata hende na lugarnan di confrontacion abierto, DIARIO ta den contacto directo cu contactonan na diferente pais caminda investigacionnan serio ta wordo conduci ariba asuntonan cu no ta haya atencion suficiente den un mundo di cambio grandi.

Ora papia di guerra ta papia di confrontacionnan cu mester causa daño na loke ta considera peliger y enemigo.

Analisis di un guerra normal ta indica con enemigo na prome lugar ta trata na destrui e basenan importante pa funcionamiento di un comunidad.

Ariba e tereno aki mester tene na consideracion loke a pasa



siman pasa na e parti Suroeste di Europa, caminda Portugal, Francia y Spaña a haya nan mes den un situacion cu nan a keda completamente sin coriente.

DIARIO inmediatamente a opone e prome pensamiento cu a wordo lanza cu ta clima y naturaleza a causa e impacto enorme riba bida normal y economia di e paisnan.

Informacionnan cu a sigui drenta a duna DIARIO razon y awor ta investiga e instalacionnan nobo na e paisnan.

Na mes momento cu esaki a

tuma lugar, otro informacionnan serio a alcanza DIARIO di Reino uni y na un forma special Inglatera, caminda varios asina yama "Cyber Attacks" a afecta e pais.

Mundo a wordo informa den fin di siman di e atake riba Harrod's, cu ta uno di e negoshinan mas prestigioso di Londres.

Cu un reputacion enorme cu ta atrae e clase mundial mas halto di consumidor, Harrod's ta e centro comercial cu ta entrega productonan di mas halto calidad riba tur tereno.

DIARIO den contacto cu su informantenan, a discuti e desarojo na Londres caminda preocupacion ta wordo lanza pa e forma cu atake di cyber ta afecta directamente e institucionan comercial importante di e pais.

Ta den combersacion cu e red internacional di informantenan experto di DIARIO ta bini dilanti awor un preocupacion serio cu Aruba como pais turistico, sigur mester tene na cuenta.

Un cyber attack realmente ta nifica cu ta uza inteligencia artificial pa destrui metanan economico di un pais.

Aruba a haya un ehempel di cyber attack ora su hospital a wordo ataca y inmoviliza pa perdida di base di informacion importante.

Pa Aruba sigur e atake riba Harrod's tabata un aviso importante pasobra Harrod's ta un punto di atraccion pa turismo na Londres pues sigur ta lanza un advertencia na Aruba como centro turistico pa prepara su mes debidamente

contra e peliger grandi.

Industria di turismo ta basa riba comunicacion internacional cu un red di informacion cu ta cuminsa for di momento cu ta prepara pa biahenan cu mester entrega na posibel clientenan.

Importancia di bon comunicacion ta presenta su mes riba tur tereno di e entrada y salida di vuelonan, ocupacion di cambenan y horario, inventarionan pa djis muestra riba algun asunto basico.

Informantenan ta muestra cu Aruba mester cuminsa duna publicidad y informacion na e guerra mundial nobo cu a cuminsa cu e cyber attacks cu ta aumenta den cantidad y ta amenaza manera ya a wordo bisa, e structura basico di comercio internacional moderno.

DIARIO den su proximo edicionnan lo sigui amplia riba detayes pero manera experto nan ta confirma, no ta permiti pa laga mas tempo pasa sin atende e asunto crucial.

Parlamentario Danguí Oduber

Minister Cecilia kier kita hunta di supervision di AAA NV sin motibo y sin hustificacion!

ORANJESTAD (AAN): Parlamentario Danguí Oduber a indica cu Gabinete Wever Croes 1 y 2 a traha hopi duro pa percura pa traha riba un ley di integridad y corporate good governance. Tin masha hopi iniciativanan a ser tuma pa percura pa no tin metemento politico den companianan estatal y mantene e distancia necesario conforme reglanan di corporate good governance.

Na e momentonan aki, AAA NV tin un hunta di Comisario cu ta cumpli cu e profiel schets y cu semper a funciona manera debe ser. Ta personanan capacita, cu experiencia, cu conocimiento y cu a percura pa supervisa y controla e maneho di aeropuerto manera debe ser.

Loke sigur nos NO a spera ta cu minister Cecilia un di su promer decisionnan tawata pa dobla pa Schiphol Group, humiyando y menospreciando nos propio profesionalnan pa e funcionan di CEO di nos aeropuerto y su di dos decision lo ta pa kita tur e miembran di hunta di supervision di nos aeropuerto.

Nos a keda babuca y sorprendi pa e decision di minister Cecilia pa sin motibo alguno, sin argumento, sin hustificacion retira henter e hunta di supervision di aeropuerto. Durante e periodo di e gobernacion AVP sin Futuro minister Cecilia representando e accionista a tene solamente 1 reunion cu e hunta di Comisario di AAA NV.

Pa por retira un hunta di



supervision, e shareholder mester por motiva kico ta e motibonan pa kico mester

retira e hunta di supervision actual di AAA NV. Y mester por uza argumentonan valido pa hustifica e retiran.

E actuacion di minister Cecilia ta uno descabeya, sin hustificacion y contra tur reglanan di corporate good governance cual sigur nos ta lamenta cu un minister nobo cu e priminti un politica distinto y diferente ta practica e mesun politica bieu di AVP pa kita y persigui hende!

Nos sa cu e ta cla pa entrega tur cos na Schiphol y cu e board actual semper a para Fuerte pa nos propio localnan. Semper e board actual a kere cu nos profesionalnan local mester por maneha nos aeropuerto.

Contrario na esaki tanto promer minister Eman como

tambe minister Cecilia NO ta kere cu na Aruba mes nos tin profesionalnan cu por maneha nos aeropuerto. Di e forma aki nan ta falta respet pa nos propio hendenan y asina menospreciando nos propio capacidad.

Henter anja 2024 nos loclan an a maneha nos aeropuerto, sin Schiphol y a resulta di ta e nos mihor aña den historia y asina demostrando cu nos mes POR!

Si ta berdad cu minister Cecilia kier kita e hunta di supervision di AAA NV sin hustificacion, nos lo sa di denuncia esaki tur caminda pasobra minister Cecilia mester por sa mihor cu e tin cu tene su mes na reglanan di corporate good governance!

Caída di prijs di petroleo den e situacion mundial

Petroleo ta gana su guerra despues di a domina cambio di siglo

**Bolbe na ciere di Lago pa haya bista riba desaroyonan real*


ORANJESTAD(AAN)—E importancia di petroleo no ta asunto di awe. Ta petroleo a dicidi pa gueranan mundial y economia di Planeta Tera for di momento di industrializacion.

Informantenan di DIARIO ta indica cu nan ta sumamente preocupa cu e forma cu e caída di prijsnan di petroleo ta wordo presenta sin tene cuenta cu e motibo cu nan a subi y bolbe cay.

Pa comprende loke a pasa cu prijs di petroleo mester bolbe na e ciere di Refineria Lago, cu a cera su portanan den un temporada cu rond mundo refinarianan tabata den problema y cambianan grandi den ramo petrolero a presenta.

Azeta a domina mundo durante Segundo Guerra Mundial pero te awe ta sigui domina mundo, di cual te ainda e ta uno di e basiconan pa economia di paisnan.

Ayera prijs di azeta a sigui baha. Pero no mester lubida



cu e tabata un tempo mas abao pero a cuminsa subi manera fli den e tempo di confrontacionnan serio na

decadanan 70 y 80 di Siglo pasa cu confrontacionnan serio na Medio Oriente.

Nada a cambia realmente den

tur tempo. E prijs di petroleo a sigui subi pa topa cu su gran enemigo cu tabata Covid-19 cu a interumpi e necesidad grandi di petroleo na momento cu mundo a dicidi cu petroleo ta enemigo di salud

di hende y di planeta Tera. A cuminsa papia di alternativanan pa petroleo pero nunca por a yega na un alternativa real y awe por nota tensionnan grandi di e productornan mas grandi di azeta, cu ta keda Merca, Rusia y Medio Oriente.

DIARIO den combersacion cu expertonan ta analisando prijsnan pero publico mester wordo adverti cu e cambionan den prijsnan mundial ta saliendo completamente for di normalidad y cu control comercial di e resultado di prijs instabil di petroleo por tin efectonan serio pa economia tambe.

DIARIO denj su proximo edicionnan lo sigui amplia riba combersacionnan serio cu ta tuma lugar mundialmente y ta keda den contactonan informantenan clave di e economia y comercio mundial, cu ta seriamente preocupa cu e situacion actual di petroleo, cu ta produci e combustibel cu ta base di turismo pa Aruba!

Den Parlamento Mike Eman y Gerlien Croes ta contradeci otro

No por culpa Gabinete Wever-Croes di tardansa den negociacion cu Hulanda

unda por conclui cu negociacionnan ainda ta andando, cu nan ta bayendo bon y cu e gobierno nobo ta hopi satisfecho cu e trabou di e team negociador, cu ta e mesun team cu Gabinete Wever-Croes II a institui.

Negociacionnan ta den un fase bastante avansada, y gobierno ta spera cu pronto por informa Parlamento di e resultadonan. De facto, ta e mesun idioma di ex Minister President Evelyn Wever-Croes.

Loke a resalta ta cu mientras Minister President Mike Eman y Minister di Finanzas Geoffrey Wever a elogia e trabounan haci den pasado, Minister Gerlien Croes tabata tin un actitud hopi diferente. E tabata hopi arogante y frustra. E si a ataca Gabinete Wever-Croes basan-



do su mes riba diferente acusacionnan eroneo. El a presenta un “timeline” di correspondencia di e negociacionnan cu segun e ta esun corecto, pero di apenas 5 carta, siendo cu den henter e proceso tabata tin centenares di carta. Unico cos cu Minister Gerlien Croes kier a haci ta saca su gal.

“Minister Croes no a trece nada di balor agrega dilanti. E kier bagatelisa e pandemia cu a haci hopi hende dolor. Mi ta lamenta si pasobra mi ta kere den

liderazgo femenino, pero e forma cu e a presenta, sigur compara cu e dos otro ministernan, ta mahos” ex Minister President Evelyn Wever-Croes a duna di conoce.

Den number di Parlamento el a pidi e Prome Minister pa tene Parlamento informa riba base regular pasobra tur e negociacionnan ta basa riba e condicionnan cu Parlamento a pone desde aña 2000. Algo cu e Minister President actual a bisa di lo hasi.



**TRABOU DI MANTENCION
DEN TRANSFORMATORHUIZEN
NA CURA CABAÍ**
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diahuebs, 8 di mei 2025
8:30 am te cu 3:30 pm**

Den vecindario di:

- Cura Cabai (un parti)
- Noord Cura Cabai (un parti)
- Simon Platsstraat
- Zuid Cura Cabai

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.



ELMAR



Come build your career with Unicomer Group, a dynamic and fast paced retail organisation spanning 24 countries, with over 1000 stores and 16000 talented and engaging retail professional across Latin America, the Caribbean and USA.

INTERNAL CONTROL OFFICER (ARUBA)

Assist the Finance Department in carrying out internal control procedures. Strengthen the internal control environment in Aruba to safeguard company assets, detect and prevent fraud. Ensure financial statement reliability, operational efficiency, and compliance with management directives.

PRINCIPAL ACCOUNTABILITIES:

Stock Control

- Performs stock counts at locations as per schedule and in accordance with stock count process (quarterly, perpetual, or as needed).
- Collaborates with Branch Management for investigation of stock counts variances
- Monitors the assigned branches perpetual and high-risk stock counts as per policy guidelines.
- Processes approved stock adjustments to the sub ledger and general ledger.
- Reviews stock discrepancies highlighted and takes corrective action as necessary
- Monitors and investigates negative stock to identify reasons for such, suggest solutions and process corrective adjustments
- Reconciles the inventory sub ledger to the general ledger, investigates differences and corrects as necessary
- Prepares month end stock analysis reports and maintains all files (soft and hard copies) relating to Inventory
- Processes stock write-offs received from all locations within approved timelines and posts journal entries as required
- Manages and Monitor the Fixed Assets Register for assigned locations
- Verifies and reconciles the physical assets to the Fixed Asset Register for assigned locations on bi-annual basis.

Cash Monitoring

- Reviews the cashier balancing process and liaises with branches where there are discrepancies in balances.
- Reports on cash discrepancies and posts corrective entries for cashier overages and shortages identified Cash Loan Reviews
- Performs cash loan verifications and reporting in accordance with company policy

Other

- To perform any other duties as required by management.

QUALIFICATION/EDUCATION AND EXPERIENCE:

- Minimum Bachelor degree in Accounting, Finance, Auditing or related field
- Certificate in Microsoft Office would be an asset
- Audit experience would be an asset
- Minimum 2 year's experience in a similar position

KNOWLEDGE SKILLS AND ABILITIES:

- Advanced Microsoft excel skills
- Good written and oral communication and interpersonal skills
- Ability to perform analyses on numerical data and accounting information
- Working knowledge of Accounting Software
- Able to work will in an international team

A competitive compensation package is being offered to the individual.

APPLICANTS ARE REQUESTED TO EMAIL THEIR COVER LETTERS AND CVS TO JOBSARUBA@UNICOMER.COM

We thank all applicants for their interest; however, only short-listed applicants will be contacted.

FAVI cu charla pa crea conscientisacion den comunidad tocante 'cacho di guia'



ORANJESTAD (AAN): Recientemente FAVI (Fundacion Arubano di esnan Visualmente Incapacita) a organisa un charla cu e tema 'Cacho di guia'. E cachonan aki ta cay bao di e categoria di 'working dogs' y e intencion di e charla tabata pa conscientisa y educa comunidad tocante e cacho di guia den comunidad.

Cacho di guia no ta algo hopi conoci na Aruba pasobra no tin ningun persona cu ta cliente di FAVI cu

tin un cacho di guia. Pero si tin e deseo pa tin un cacho.

E rol di FAVI ta pa busca informacion pa e cliente y trece esaki dilanti pa comunidad. Pa e ocasion aki, un señora di Hulanda a haci un presentacion hunto cu su cacho di guia. Esaki tabata un bon oportunidad ya cu e persona a traha cu diferente instancia na Hulanda y institutonan cu ta train cacho pa e bin conta di su experiencia.

Na Aruba tin cierto bare-

ranan. No ta fout di ningun hende ta djis cu mester bay prepara e leynan di Aruba y e leynan internacional

unda cu no tin e discriminacion pa un persona cu limitacion di bista y cu tin un cacho como guia, cu ta

fungi como su aliado, su wowonan y cu ta su seguridad pa e por funciona den comunidad.

FRESH FOOD • FRESH BREEZE

FRESCO

— ARUBA —

SURPRISE MOM WITH DINNER AT FRESCO.

A MOTHER'S DAY DEAL JUST FOR LOCALS.

This Mother's Day, treat the mothers in your life to mouthwatering Italian cuisine with a side of breathtaking Caribbean views at Fresco. Locals get 10% off our à la carte menu. Don't miss this delicious deal!

Sunday, May 11, 5:30pm – 10:30pm

10% discount on our à la carte menu for locals



Located at the Renaissance Ocean Suites. For more information or to make a reservation, please call 523-6115.

Hala un Rosea di alivio!

Debe cu interes halto ta pisa riba bo?

Descubri con nos por yuda bo consolida bo debenan y spar placa!

pa mas informacion subi:
eamigo.com

SCAN ME



**Pone mas placa den bo cartera
y hala un rosea di alivio!**

Tuma contacto cu nos awe mes pa un consulta gratis!



Presta responsabel E promocion aki ta valido te cu 15 di mei 2025.

Prestamo personal "Alivio!" tin un interes efectivo di 16.00% p.a., mientras cu e duracion ta minimo di 3 aña cu un maximo di 5 aña. Despues di e campaña, e interes efectivo lo bai bek na e porcentahe regular di 16.5% p.a.

Prestamonan cu no ta cumpli cu e rekisito minimo di e suma di Afl. 15,000.00 of e termino di pago minimo di 3 aña lo no yega na remarca pa haya e interes efectivo reduci di 16.00% p.a. cu ta parti di e promocion aki.

Clientenan existente mester aplica y wordo aproba pa un minimo di Afl. 10,000.00 na fondonan nobo y cu un termino di pago di minimo 3 aña. Mientras cu e prestamo existente mester ta minimo un aña bieue.

Cada aplicacion, sea ta nobo of existente, lo wordo evalua segun su propio meritonan, y segun normanan y reglanan standard di Caribbean Mercantile Bank N.V.

Condicionnan di empleado no ta aplicable pa e oferta aki.

Un gasto di administracion lo wordo cobra igual na Afl. 165.00 pa e prome aña di e prestamo, y Afl. 140.00 pa cada aña adicional.

Un seguro di riesgo lo wordo cobra igual na 4% di e suma di e prestamo, mas e interes y gasto di administracion cu un maximo di Afl. 900.00.

Den caso cu prestamonan personal wordo cancela prome cu e termino acorda, Caribbean Mercantile Bank N.V. lo no restitui ningun gasto cu a wordo cobra caba (manera pero no limita na gastonan di administracion, seguro di riesgo y refinanciamiento) y ta reserva e derecho di cobra un boet di 3 luna di interes ariba e suma di e suma di pago cu un minimo di Afl. 500.00 depende si cancelacion ta dentro of despues di 6 luna di e fecha cu ricibi e notificacion por escrito.

Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Delegacion Hubileo di Iglesia Catolico cu diferente evento pa recauda fondo pa bay Roma



ORANJESTAD (AAN): Recientemente e delegacion di hubileo di Iglesia Catolico a organiza un actividad na Kapel di Bethania di mainta te cu atardi, unda cu tabata tin un feria grandi specialmente pa mucha.

Tabata tin un cushina y bar non surti, como tambe varios wega pa mucha incluyendo Dino Jump, Jazienne Gomez a bisa den un

entrevista cu DIARIO. El a sigui bisa cu banda di esaki tabata tin un mini speurtocht pa mucha y un grabbel ton.

E meta di e evento tabata pa recauda fondo pa un delegacion di Iglesia Catolico bishita Roma den luna di Juli.

Delegacion hubileo a organiza tambe un bingo pa yuda recauda fondo pa e biahe pa Italia.

LUNA DI LOCURA

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 2 TE CU 31 DI MEI

Pa mas informacion bishita lottoaruba.com of yama Lotto na 525-7555 of bishita nos oficina situa na Paardenbaaistraat #10, Oranjestad.

www.lottoaruba.com

lotto
Cambiando bida...

Gabinete AVP-FUTURO a ranca sali dunando alivio na pensionadonan

ORANJESTAD (AAN): E Gobierno nobo aki a ranca sali apenas 1 luna pasa y ta trece alivio na defensa pa nos pensionadonan.

Echo ta cu si di berdad gobierno anterior tabata tin e intencion pa duna bek na pensionadonan, dicon esaki no a refleha bek den e presupuesto 2025 cu gobierno anterior mes a propone? Ta precisamente e tipo di politica sin vision aki, a forsa pueblo, y particularmente esnan mas vulnerabel, pa confronta un dilema inhumano di desesperacion na momento cu

nan mester scoge paga sea pa nan remedi of pa sobrevivi e resto di luna te ora nan bolbe cobra.

E cortamento sin piedad di 60 miyon florin cu e gobierno anterior a impone riba salud di e aseguradonan di AZV, ta keda graba den memoria di pueblo. E medida aki a inclui recorte den salario di profesionalnan di salud, y a pone hopi remedi for di e lista positivo cu AZV no a cubri.

Echo ta cu Gobierno AVP-Futuro por medio di un nota di cambio



a trese e cambio real pa duna bek e alivio na pensionadonan cu 250 florin na reparatietoeslag pa mehora nan poder di compra. “Ainda falta mas pa yuda nos pensionadonan pa me-

hora nan poder di compra, pero esaki ta sigur un bon comienso. Esaki no ta un gesto simbolico, esaki ta un acto di husticia, un reparacion moral pa daño causa.

Esaki ta un gobernacion cu curason, determina, y cu e pueblo como punto di salida pa cada decision” asina parlamentario John Hart a indica.

Prijs di cuminda a subi mundialmente den luna di april

***Cereal, carni y productonan di lechi a conoce mas aumento**

ORANJESTAD (AAN): E indice di prijs di cuminda mundial a subi 1% na april compara cu maart, impulsa pa prijsnan mas halto pa cereal, carni y productonan di lechi, e Organizacion di Cuminda y Agricultura di Nacionnan Uni (FAO) a informa.

FAO, cu ta monitor cambionan mensual den prijsnan internacional pa un rango di productonan di cuminda, a averahe 128.3 punto na april, un aumento di 1 por ciento for di maart y 7.6 por ciento for di e mesun luna na 2024.

Prijs di lechi a subi 2.4% na april, 22.9% riba nan nivelnan di aña pasa, un aumento encabeza pa prijs di manteca, cu a alcanza un maximo nobo di tur tempo debi na e caida di inventarionan na Europa. Carni tambe a conoce un aumento di 3.2%, cu aumentonan den tur categoria, cu carni di porco na prome lugar.

Den caso di cereal, e aumento tabata 1.2% compara cu e luna anterior, cu un aumento “leve” den trigo debi na disponibilidad di exportacion mas abao for di Rusia, un aumento den e prijs di aros debi na un demanda mas grandi pa variedadnan aromatico, y un aumento den e prijs di maishi debi na nivelnan di stock mas estrecho na Merca.

“Fluctuacionnan di tasa di cambio a influencia movicionnan di prijs den mercadonan mundial, mientras cu ahustacionnan den politica di tarifa a aumenta e incertidumbre di mercado,” e comunicado di FAO a splica.

Na contraste, e indice di prijs di azeta vegetal a baha cu 2.3% na april, aunke e ta

keda 20.7% riba su nivel pa e mesun luna di aña pasa.

Prijs di zeta di palma a baha significativamente debi na produccion di temporada mas halto den Sureste Asiatico, mientras cu prijs di zeta di soya a subi debi na demanda mundial fuerte, y prijs di zeta di zonnebloem a keda stabil. Prijs di sucu tambe a cay 3.5% na april debi na preocupacionnan di economia mundial y su impacto potencial riba demanda den e sector di cuminda y bebida procesa. Pronosticonan di oferta y demanda di cereal, FAO a publica calculacionnan revisa pa 2024 y perspectivanan nobo pa e cosecha di 2025.

E organizacion ta pronostica un produccion mundial di trigo di 795 miyon di ton na 2025, un cifra similar na e aña anterior, danki na un cosecha record na Asia – lidera pa India y Pakistan – y condicionnan faborabel den sur di Europa y noord di Africa.

Sinembargo, e perspectiva ta limita pa e falta di awasero den noord di Europa y Medio Oriente, y tambe e segura na Merca.

Ademas, FAO a baha su calculacion pa produccion mundial di cereal na 2024 na 4.848 biyon di ton, mientras cu ta anticipa un aumento di 1.5 por ciento den produccion mundial di aros na 2024/25, cu lo alcanza un record di 543.6 miyon ton.

E pronostico pa comercio mundial di cereal na 2024/25 tambe a wordo revisa pa baha te na 478.6 miyon ton, un baha di 6.8% for di e periodo anterior y e nivel mas abao for di 2019/20.

MULTIPLICA BO PREMIO CU MULTI-X

FP x2 x3 x5

Loto
Cambiando bida

www.lottoaruba.com



www.lottoaruba.com

Segun Minister Wyatt-Ras:

Increibel pa kere cu gobierno anterior no kier a aumenta lista positivo pa henter pueblo

ORANJESTAD (AAN): Minister encarga cu Salubridad, Asuntonan Social, Cuido di Adulto Mayor y Cuido di Adicto, drs. Wyatt-Ras a keda sorprendi cu reaccion di miembro di gobierno anterior Dangui Oduber riba ampliacion di e Lista Positivo di Medicina pa henter pueblo di Aruba. El a hasta yama esaki como show politico y cu ta pronk cu pluma di otro.

Segun Wyatt-Ras e actual parlamentario ainda ta kere cu e ta minister y mescos cu su partido por tira santo den wowo di pueblo.

Ta desde april 2021 e Lista Positivo di Medicina a ser austerisa, pero dor di critica fuerte di pueblo y fraccion di AVP, especialmente sr. Eman y Wyatt-Ras den Parlamento, e ex-minister Dangui Oduber a haya su mes obliga

di hala su decision aden net prome cu eleccion y bai bek na uso di e Lista Positivo di Medicina sin cambio.

Despues cu eleccion tabata na año 2021, e minister na mei año 2022 a insisti cu su medida y asina Parlamento a ricibi e Landsbesluit, fecha dia 16 di mei 2022, di austerisacion di e Lista Positivo di Medicina un biaha mas. Dicho lista austerisa a bin na vigor despues cu el a keda pa 2 siman na Parlamento, manera ley ta stipula. Hunto cu esaki gobierno a introduci diferente otro medida, cualnan a baha e poder di compra di ciudadanonan drasticamente. E medida den cuido di año 2020 tabata di 5 milyon pa año sin embargo Dangui y su gobierno a dicidi cu e medida aki ta di 5 milyon pa luna cu a duna nan



60 milyon pa año. Esaki no ta Wyatt-Ras ta bisa sino miembro di Aruba den CAft na su salida di CAft.

Hasta den e relato

anual di Raad van Advies di año 2023 a trece padilanti e deterioro social di nos pueblo a consecuencia di e medidanan drastico, entre nan esun di e lista positivo. Esey tampoco no a molestia Oduber.

Pueblo tabata scelma pa un cambio. Den nos programa di partido nos tin como prioridad pa hisa e suma di pension pa nos grandinan y duna pueblo su remedinan bek. Pues no ta nada di pronkia cu pluma di otro sino pronkia cu nos propio metanan y pluma nan. Pesey asina cu nos a drenta den gobierno comienso di april a manda pidi un advies y e advies aki a drenta dia 28 di april pa coloca cu un total di 129 medicina ariba e lista, cual lista a bin na vigor entrante prome di mei 2025. A consulta cu profesionalnan riba e tereno di cuido pa asina tin un miho resultado. Ta trata medicina pa hala rosea, pa cuero/dermatologia, stoma, barica, metabolismo, pa disturbio di zuur, pa spier, weso, nervio, epilepsia, hormona, wowo, oreja, etc.

Cu dolor sr. Dangui Oduber y su coleganan por a tuma nota cu den 30 dia di gobernacion loke nan no a kere cu ta posibel a keda realisa. Ta pesey awor e ta core reacciona.

Dangui a drumi y laga salud

di nos pueblo na caya.


Den e advies di Consoho Consultativo riba e lista positivo di 2022 ta cuestiona si a investiga e consecuencia di austerisacion di lista positivo riba salud di nos pueblo. Tambe cu si e medida aki tin suficiente beneficio financiero.

Dangui ta menciona den su entrevista cu tabata un decision dificil pa tuma pero dia 17 di december, ya despues di eleccion na juni a tuma decision pa exonera pensionadonan. Esaki ta e afscheidscadeau cu kier a duna pensionadonan pa pidi despensa pa a dañá nan salud y ranca placa for di nan cartera. Aki por mira e diferencia. Nos di AVP-Futuro no ta discrimina, sino ta implementa accesibilidad di remedinan pa un y tur sin distinction.

Esaki ta cuadra cu meta principal di AZV, cual entidad a ser implementa na año 2001. E Algemene Ziektekosten Verzekering cu ta conta pa TUR ciudadano di Aruba ta haci posibel cu nos pueblo tin acceso na cuido medico cualitativo y cu e ta accessible pa un y TUR. E vision e tempo ey di ex-prome minister Henny Eman ta valido te dia di awe. Un biaha mas pabien na pueblo di Aruba cu a haya su remedinan bek den pakete di cuido.

Den e ultimo diesdos (12) lunanan:

“Cuminda na cas” y “Cuminda pafo di cas” como grupo, tabata tin un subida di prijs di 1.4%



ORANJESTAD (AAN): E prijs promedio pa bari di petroleo a conoce un caida di US\$ 12.95 (-16.0%) di US\$ 81.01 na Maart 2024 pa US\$ 68.06 na Maart 2025. E indice di Energia a baha cu 3.6% den e ultimo año y a causa un efecto di -0.61 ppt. E indicenan di “Gasolin” (-5.7%) y “Diesel” (-8.6%) a registra caidan, causando un efecto di respectivamente, -0.27 y -0.03 ppt riba e CPI.

E indice di “Electricidad” a registra un caida di 4.0%, causando un efecto di -0.30 ppt, mientras cu e indice di “Awa” no a registra

cambio. E restante 404 bienes y servicio hunto, a conoce un subida di 0.9% y tabata tin hunto un efecto di 0.73 ppt.

Cambio di prijs di Cuminda y servicio di catering

Den e ultimo diesdos (12) lunanan e indice di “Cuminda & servicio di catering” a subi cu 1.4%. E indice di “Cuminda na cas” a conoce un subida di 0.6%, unda shete (7) di e diesun (11) indicenan di e gruponan di “Cuminda na cas” a subi durante e periodo aki.

E indice di “Batata, yuca y batata dushi” a conoce

un subida di 4.2%, e subida mas grandi entre e gruponan di “Cuminda na cas”. Ademá, otro subidan significante a wordo registra den e indicenan di “Carni” (2.6%), “Bebida no-alcoholico” (2.0%), “Pan y otro productonan di grano” (1.4%) y “Restante productonan pa alimentacion” (0.9%).

E caida mas grandi durante e periodo aki a wordo registra den e indice di “Berdura” (-6.5%). E indice di “Cuminda pafo di cas” a registra un subida di 3.1% den e ultimo diesdos (12) lunanan.

Den e ultimo diesdos (12) lunanan, “Cuminda na cas” y “Cuminda pafo di cas” como grupo, tabata tin un subida di prijs di 1.4% y hunto tabata tin un influencia di 0.22 ppt riba e CPI, mientras cu e restante bienes y servicio hunto a experencia un caida di prijs di 0.1% y tabata tin un efecto di -0.10 ppt riba e CPI.

MAESTRO BENJAMIN

MAESTRO BENJAMIN, UN MAESTRO CU DI BERDAD TA PARA SUFRIMENTO.

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar.

- E ta kita bruheria, hechizos, daños y tambe e ta dera maldicion y salamientos.
- E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento pabo cu lo curabo den un tempo cortico.

“Mi ta cura problema di addiction di droga y alcohol y mi ta recupera bo ser keru sin importa tempo of e distancia.”

No sufri mas den silencio pa tur problema tin un solucion y pa tur enfermedad tin un sanacion. Trabao ta 100% garantisa y den un poco tempo.

Yama awe mes of manda un WhatsApp na 641-4186 pa traha bo afspraak.

CEL/ 641-4186

RESULTADO DI SORTEONAN
PA CORTESIA DI CADENA ALEXANDER
RESULTADO SORTEO 3 - 4 MEI 2025

DIARIO		CURACAO		SUPER 4		CAT.LOTTO		ZODIAC	
3 MEI	4 MEI	3 MEI	4 MEI	3 MEI	3 MEI	3 MEI	3 MEI	3 MEI	3 MEI
5267	8938	5516	0663	0260	3762	4864	2580	TAURO	
0891	6096	7473	6296		5434	0771	3 MEI ANOCHI		
6784	4387	2757	2085	4 MEI	0773	9384	6722	TAURO	
				4991	X5	FP	4 MEI MERDIA		

LOTTO DI DIA
3 MEI : 01-06-08-09-19
4 MEI : 01-04-11-15-22

SKINA DIARIO
3 MEI 5764
4 MEI 8847

4546
5323
6339
X2

5387
GEMINIS


100% **3 MEI MERDIA** **3 MEI ANOCHI** **4 MEI MERDIA**
5589 6536 5227

BIG4 **3 MEI MERDIA** **3 MEI ANOCHI** **4 MEI MERDIA**
1858FP 2341-X2 3931-X3

LUCKY 3 **3 MEI MERDIA** **3 MEI ANOCHI** **4 MEI MERDIA**
949 MULTIPLIER X2 **077 MULTIPLIER FP** **154 MULTIPLIER FP**

LOTTO

E LOTERIA DI ARUBA RESULTADO DIASABRA 3 MEI 2025



1^{er} Premio: No tin ganador Jackpot

2^{do} Premio: Tin 1 ganador Match 4

3^{er} Premio: Tin 21 ganador Match 4

4^{to} Premio: Tin 340 ganador di Afl. 12,00

Joker
13

Proximo sorteo 7 MEI 2025
Afl. 4.00 pa ticket
AFL 420.000,-

1 Premio: 5 Bon

2 Premio: 4 Bon + Joker Por yama 583-4475 pa haya e resultado.

3 Premio: 4 Bon

4 Premio: 3 Bon

Letter ganador pa ticket gratis: **(M)**

Come menos sucu posible!

Parlamentario Jennifer Arends-Reyes (AVP):

Aumento di 250 florin pa nos pensionadonan ta refleha e compromiso cu pueblo

ORANJSTAD (AAN): Recientemente nos pensionadonan a ricibi 250 florin adicional di 'reparatietoeslag' pa nan pensioen. Gabinete AVP-FUTURO cu sosten di e fraccionnan cu ta sostene gobierno, a aproba pa aumenta e 'reparatietoeslag' cu 250 florin mas. E ta refleha e compromiso cu e gabinete y e fraccionnan di AVP y FUTURO tin cu pueblo.



Señora Jennifer Arends-Reyes ta lider di fraccion di AVP, e parlamentario a conta cu e pensionadonan a pasa e ultimo shete aña y mey ta ricibi un aumento di un florin pa dia, pues treinta florin pa luna. Awo, manera a priminti den campaña, a "boltercos" y a cuminsa na duna nos grandinan un suma substancial di 250 florin.

Claro, e idea ta pa duna mas, pero den un forma responsabel lo haci esaki den e proximo periodo nos dilanti. Nos pensionadonan awo lo ricibi 3000 florin adicional pa aña. E

no ta manera antes mas cu mester a dicidi, sea ta cumpra cuminda of tin cu paga pa remedi.

Ta den mesun rosea tambe cu percursa pa pueblo ya no mester paga pa remedi mas. E ta un alivio, "canando den pueblo, ta sinti cu nos grandinan ta contento cu e suma inicial aki", asina lider di fraccion di AVP a comenta. Poco-poco ta cumpliendo cu e promesanan di campaña y den un tempo record, mirando cu ta apenas cuater siman, e gobierno tin den funcion.

PRIJS: 2 Florin ehemplar
ABONO: 40 Florin pa luna

EDITOR
 Agencia Arubano di Noticia

FUNDADOR
 † Jossy M. Mansur

DIRECTOR NAN
 Eduardo Mansur
 Luis M. Mansur
 Damilice Mansur

REDACTOR Coordinativo
 Aureen Werleman

REDACTOR Ehecutivo
 Nilton Laclé
 Yorleny Oduber-Quesada
 Tania Cunha

REDACTOR
 Mercedes Abdul-Hamid
 Giovanni Lane

REPORTERO
 Hubert Tiel

AVISOS Y ARTE
 Franklin Peña (Hefe)
 Susy Maduro (Project Manager)
 Miguel Garcia
 Glenn Gonzaga
 Robert Simoons

ADMINISTRACION
 Freddy Barreto (hefe di personal)

RECEPCIONISTA
 Vivian Maduro

LAYOUT
 Alex Croes
 Ricardo Jimenez

IMPRESION
 William Quiceno
 Raul Valencia

ADRES
 DIARIO N.V.
 www.diario.aw

Miembro di:
 Sociedad Interamericana de Prensa

Email: noticia@diario.aw
 Engelandstraat 29, Aruba.
 P.O. Box 577, P.O. Box 695

Telefon: +(297) 582-6747
Whatsapp: +(297) 561-5325

DIARIO is Printed
 on 100% Recycled Paper

ALMANAC

Bahada y salida di solo na Aruba

—5 Mei 2025
 Solo ta baha: 6:55 p.m.

—6 Mei 2025
 Solo ta sali: 6:18 a.m.

Lista di Crusero di bishita na Aruba

—Diamars 6 Mei 2025:
 Carnival Magic:
 (08:00 - 22:00)

—Diamars 13 Mei 2025:
 Celebrity Reflection:
 (08:00 - 23:00)

Carnival Horizon:
 (09:00 - 23:00)

—Diahuebs 15 Mei 2025:
 Carnival Venezia:
 (09:00 - 22:00)

Tel: 583-1190

EMERGENCIA NA ARUBA
Dialuna 5 Mei 2025

DOCTER NA WARD
SAN NICOLAS:
 Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi.

ORANJESTAD:
 Pa Oranjestad, Docter lo ta na Huisartsenpost na Hospital. Docter tey di 6:30 pm te cu 10:30 pm.

BOTICA NA WARD
PARIBA DI BRUG:
 Botica Aloe NV
 Pos Chikito 83
 Telefon 584-4606

PABAO DI BRUG:
 Botica Paradera NV
 Paradera 27
 Telefon 588-6638
 Fax: 588-6628

e-CONTACT DIARIO

E-mail Redaccion: noticia@diario.aw
 E-mail Avisos: aviso@diario.aw

E-mail Deporte: deporte@diario.aw
 E-mail Asunto Funeral: morto@diario.aw

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via FB Messenger, E-mail, USB Drive), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatiza di antemano, si acaso bo no kier pa bo number worde menciona como remitente! (Atencion: Ora cu bo no kier pone bo number bao di un remitido, anto automaticamente den e texto bo NO POR menciona number di hende of entidad). Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion. Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

Contents ©2022 Matutino DIARIO
 COPYRIGHT: Nada den DIARIO mag di worde copia sin permiso di Agencia Arubano di Noticia.
 Potretan di The Associated Press no por worde re-publica na TV of otro medio sin previo autorizacion di AP.

Bunita actividad organisa pa tur e 'ladies bikernan' di Aruba

ORANJESTAD (AAN): Diasabra tabata e dia tan spera, pa e 'ladies bikernan' di Aruba, ya cu HOG297 mc a organisa un 'Ladies ride' pa tur e damanan cu ta manehadornan di motorcycle. E actividad a start y sali pa banda di 3 or atardi y na diferente stop, a percura pa diferente reto agradabel.

Mas den oranan di anochi e ride a yega fushi Cadobari, caminda e activi-

dad a sigui cu banda musical live y Dj, sin laga afo e competencia di 'best T-shirt' decora y na final a corona e 'Ladies MC Queen 2025' cu a keda den persona di Magaly Curiel, cariñosamente yama "Maga".

Magaly porcierto ta na cabes di e 'bike club Gon's riders'. Hog 297 MC por mira atras, ariba un otro tremendo 'Ladies Ride', cu tabata uno exitoso.



E momento ta awo pa inversion y innovacion den centro di ciudad

Empresario optimista den desaroyo di Caya Grandi

ORANJESTAD (AAN): Recientemente, Minister di Finansa, Asunto Economico y Sector Primario, mr. Geoffrey Wever, a organisa un presentacion pa e Presidente di Eerste Kamer di Hulanda Jan Anthonie Bruijn y Presidente di Tweede Kamer di Hulanda Martin Bosma, cu e meta pa comparti su vision pa un renovacion integral di nos centro di ciudad. Den e reunion, a pone enfasis riba futuro di Caya Grandi y su importancia pa turismo, economia y identidad cultural di Aruba. Un di e invitadonan presente tabata Marksonn

Maduro, comerciante conoci riba Plaza Daniel Leo na inicio di Caya Grandi, cu hunto cu otro empresarionan prominente a duna nan input valioso y a comparti nan experiencia directo cu e delegacion di Hulanda.

Segun Marksonn Maduro pa masha tempo Caya Grandi no a haya atencion debido pero cu e Gobierno nobo, ta sinti un biento fresco. Por wak movencion, trabao y limpieza y e area ta birando activo. Esaki ta muestra e compromiso di e Gobierno pa trece bida bek den e centro di nos ciudad.

A conecta e puntonan cu Playa tabata boga pe pa hopi tempo caba y apesar cu Playa no tin un solucion magico, Marksonn ta optimista. Interes den nos cultura, patrimonio y desaroyo urbano ta creciendo, y segun Maduro, e momento ta ideal pa inversion y innovacion. Restaurant nobo, tiendanan di benta y condominionan ta habriendo, y ta habri e caminda pa renovacion urbano.

"Ta awo of nunca," Maduro a enfatisa, "Nos ta mira un Caya Grandi cu e potencial pa bira un beacon pa Aruba."



Women's Club of Aruba ta celebra e gran exito di e proyecto "Purses of Empowerment"

ORANJESTAD (AAN): Women's Club of Aruba (WCA) ta sumamente orguyoso pa anuncia e exito grandioso di su iniciativa mas reciente: "Purses of Empowerment" - un campaña di amor cu ta refleha e union, dedicacion y es-pirito inkebrantabel di nos organisacion.

E meta tabata pa colecta y yena 50 tas cu producto di higiena per-

sonal pa reparti na e hende muhenan den necesidad. Danki na e generosidad di nos miembronan y di comunidad, nos a hasta pasa nos meta y a logra un total di 100 tas - un cifra simbolico cu ta di celebra tambe cu nos 90 aña di servicio na comunidad di Aruba. Nan ta gradici tur nos miembronan cu a sponsor un tas y varios producto como

tambe comerciantenan.

WCA a reparti e tasnan na diferente instancia manera: Fundacion Pa Nos Comunidad, Fundacion Contra Violencia Relacional, Centro Colorado/ Stichting Hunto y Casa Cuna. E proyecto "Purses of Empowerment" ta hopi mas cu solamente un acto di



caridad - e ta un testimonio di kico ta posibel ora hende muhe uni, empodera otro y traha hunto pa haci un impacto real riba bida di otro.

WCA kier a duna un danki di curason na e siguiente miembronan cu a duna nan tempo, energia y amor pa logra e proyecto aki: Milagros Posner, Diomira Tromp, Benita Es- guerra, Lelia Lacle,

Rhona Dijkhoff, Ninon Swaen, presidente Reina Geerman y vice-presidente Roxanne Vieira.

Gradicimento ta bay tambe pa ex-presidente Bernadette Schouten pa su apoyo constante y guia sabio cu tabata fundamental pa cu e proyecto aki.

Mientras ta celebra e logro aki, nos ta refleha riba e palabranan inspirado di Maya Angelou: "Mi ta agradecido pa ta un muhe.

Mi mester a haci algo grandioso den un bida anterior".

E cita aki ta pas cu nos mision y ta duna nos forza pa sigui traha pa un comunidad, na unda cada ser humano por sinti su valor y su poder.

Nos ta hopi satisfecho por a logra esaki hunto, nos ta wak padilanti pa sigui construi y yuda comunidad.

Hoben pidi fondo pa bo proyecto dedica na hoben!

Oranje Fonds ta lansa Impulsfonds pa proyecto social di hoben den Caribe Hulandes

ORANJESTAD (AAN): Hobennan entre 12 te cu 29 aña den Caribe hulandes por pidi fondo cerca Oranje Fonds pa nan proyecto social. Mediante Impulsfonds Verschilmakers: Jong! Oranje Fonds kier stimula hobennan pa traha na bienestar di otro hende y pa un comunidad mas social.

Participacion di hoben riba tereno social ta crucial y di valor incalculabel pa por genera mas conexion den comunidad. Pa lanta un generacion nobo di promotor

di iniciativa social, Oranje Fonds y Ministerio di Enseñansa, Cultura y Ciencia (OCW) ta ofrece financiamiento pa proyecto di hoben pa hoben. Si bo ta entre 12 pa 29 aña por haci peticion pa un suma di AWG 1.000 te cu 4.000, cerca Impulsfonds Verschilmakers: Jong! Aki un panel di hoben lo evalua e peticionnan.

Aporte positivo

Oranje Fonds ta buscando hoben cu kier start un proyecto cu ta duna un aporte positivo

na comunidad y cu ta di valor pa otro hende. Pa mas informacion, riba tur e criterionan y pa e formulario di peticion, Abo hoben por bay na www.oranjefonds.nl/hey-verschil-maker-cariben.

Panel di hoben

Un panel diverso di 12 hoben lo evalua tur peticion. Ta hobennan cu conoce e contexto social y economico riba e islanan y esaki ta haci cu e perspectiva Caribeense ora di evalua e peticionnan



di proyecto. Fecha pa evalua proyecto ta Juni, September y November. E hobennan tin te 1 di Juni 2025 pa entrega nan peticion pa e siguiente ronda di evaluacion, cu lo tuma luga den luna di Juni.

Tocante Oranje Fonds

Oranje Fonds ta tra-

ha na favor di un comunidad den cua nos ta cuida otro unda hende tin oportunidad igual y ta sinti nan conexion cu otro hende den nan barrio. Oranje Fonds ta logra esaki dunando sosten na iniciativa social den forma di efectivo conocimiento y un red di contacto.

Columna E Sembrado



Dialuna 5 Mei. Di tres siman di Pasco di Resurrecciona 2025. Ciclo-C

Calendario Liturgico

Lectura: Echonan 6, 8-15;

Salmo: 119;

Evangelio: Huan 6, 22-29;

...cumindacu ta keda y ta duna bida eterno. (Huan 6, 27)

Rumannan den revelacionnan di Santa Escritura alimento y cuminda ta un expresion di bida cu Dios ta duna su pueblo. E mana y soklenandes pue di e salidafordi Egipto, mescos e awafor di sero di Horeb; asinatur e realidadnan aki ta un imagen di berdaderogracia, cu ta salifor di boca di Dios: E palabra, e pan cu a bahafor di shelo. Tur e prefiguracionnan aki a kedacumpli den Hesucristo. E ta e 'pan cu ta duna bida'; napromelugadoor di su palabra, cu ta duna bida eterno naesnancu ta kere; despuesdoor di su carni y sangercu E ta duna pa come y bebe. E palabranan aki, cu ta anuncia Eucaristia, Hesus a bisa despuescu Ela alimentaun multitudnaun manera milagroso den desierto (Huan 6, 31). Na mesmomento e ta hayauncaracter di un bankete celestial, cu ta e imagen di felicidad celestial. E pan y biñacu ta cambia den curpa y sanger di Hesus ta wordoehecutasacramentalmente e transicion di e mundobieu pa esunnobo, cu Hesucristo a manifesta door di su morto y resurreccion. Esaki ta e misterio Pascual.

Oracion: Hesucristo, Bo a triunfaribadiabel, pica y morto. Señor salba nos pa medio di Bo poder y victoria. Amen.

Grupo Centro Pastoral

BUSCA PALABRA

ORGANIZA

F E O C R Y E Y P A R Y M P U S S N G Y
P T C Q G F J L D U S C N E R L P A P D
O N E X K E X V O S Y S L C J H P N O R
S E Q X G I P P M Q W B O Z L L M E J O
I M J W B O R G A N I Z A C I O N T T R
C A C O N F E R E N C E S C I Y Z N Y G
I D B Y L H W D O A J P A T A A E A Z B
O I P M S U I P R Q E C K N I M T C V R
N P K U F W S Q I C I Y F K A M F I G Q
N A Z J Z I A E I O E R E N R R U L O B
A R N J D H P A N U M T E V C L N P R N
N R E K Z K L O E M L R N L W B C A E E
R E D H N I I K Y Z T E K E M H I Q N N
J E B C Z C D Z O N Q J O Z M U O W T N
M T O A C X O G E F B Z G H I L N J R Q
P R D I S P O N I B I L I D A D A W E Z
B J E P Q H Q R F G O R E H W O R N V U
Z I U H F F H A Q R I A A R I A I B I F
F T Y J S K H N A N O T S E U P O G S F
M S I J R A V U P G Y N H I S C N C T P
S X Y V G W W A L N E Q T V M C A N A C
U W Q P M H I H L Z X N O A C Y N O D A
G O F O L N H K S W S T E N N T L R Y U
Y O L W A Y K S M I J H D R N D I F I B
Q U I P P S X Y U E D R D W A O O B N K
R X M I X C F O G U V P L J S L Q P D R
L O B T Q D C G O T C E R O C N I S B A
C I T P O Q F V E W K C K X A S J Z C D
O L X M Q W R O K S U E I J Z E K U A E
B V E Z C H T E K B L N X G K T I V Q X

> SUDOKU <

Conceptis Sudoku

By Dave Green

		6	7				3	
			1	4	5			2
9			6					
8	1	7		3			2	
	5						6	
	3			5		7	4	1
					1			5
3			2	8	4			
	6				9	2		

Difficulty Level ★

4/04

HARI UN TIKI

Un bisiña ta grita e otro "Bisiña bo tin wifi?"
"Si".
"Y kico ta e password?"
"Traha pa page".
"E no ta conecta bisiña, e ta pega of separa".

APLICACION
COMPANIA
DISHWASHER
ENTRENAMIENTO
FUNCIONARIONAN
ORGANIZACION
RAPIDAMENTE
APLICANTENAN
CONFERENCE
DISPONIBILIDAD
ENTREVISTA
GENERALIZA
POSICIONNAN
SPECIALIZA
ASSOCIATION
CONFRONTANDO
DISPONIBLE
FINALMENTE
INCORECTO
PUESTONAN

Answer to previous puzzle

7	8	9	2	3	1	6	5	4
2	5	3	6	4	9	1	8	7
1	6	4	5	7	8	2	9	3
4	7	5	8	2	6	9	3	1
9	3	2	1	5	7	8	4	6
6	1	8	4	9	3	5	7	2
5	9	6	7	1	4	3	2	8
8	2	7	3	6	5	4	1	9
3	4	1	9	8	2	7	6	5

Difficulty Level ★★★★★

4/03

©2022 Conceptis Puzzles, Dist. by King Features Syndicate, Inc.

©2022 Conceptis Puzzles, Dist. by King Features Syndicate, Inc.

DEPORTE INTERNACIONAL

Nuggets a suta Clippers pa pasa pa proximo rond di playoffs

DENVER: Diasabra anochi Denver Nuggets na cas a domina y a gana Los Angeles Clippers 120-101. Denver a cuminza e tercer quarter anotando 24 punto contra apenas 4 punto di Los Angeles pa tuma un ventaha grandi cu nan lo no perde mas. Nuggets asina a gana e serie den prome rond do Western Conference 4-3, pa pasa pa proximo rond. maximo anotador pa Denver tabata Aaron Gordon cu 22 punto, mientras cu Christian Braun a contribui cu 21.



Russel Westbrook a termina cu 16 punto. di otro banda maximo anotador pa Clipper tabata Kawhi Leonard cu 22 punto, mientras cu James Harden a caba cu

apenas 7. Nuggets awor ta bay enfrenta e fuerte ekipo di Oklahoma City Thunder, cu facilmente a elimina Memphis Grizzlies.

Canelo a gana Scull den pelea cu tiki accion



SAUDI ARABIA: Diasabra anochi na Saudi Arabia tabata parce cu William Scull a presenta na su pelea contra Canelo Álvarez djis pa participa y cobra su placa.

E Cubano di 32 aña tabata move rond di e ring sin tira mucho mokete y sin busca

mucho confrontacion cu su contrincante Mexicano. Na final Alvarez a gana e pelea via un decision unanime cu e score di 115-113, 116-112, 119-109).

Esaki ta pone cu un biaha mas Alvarez a bira e campeon indiscutible di super middle-weight

Mirando e manera con Scull tabata bringa, Canelo mes tampoco a tira mucho golpi y e pelea tabata uno basta laf pa e fanaticonan kendenan kier a wak accion.

Despues di e pelea a wordo anuncia cu Alvarez lo defende su titulo contra Terence Crawford riba 12 di September na Las Vegas.

United a perde y ta cay te na di 15 lugar di Premier League



INGLATERA: Diadomingo Manchester United a perde un biaha mas den Premier League. E biaha aki Brentford tabata demasiado fuerte y a gana e wega 4-3. Cu e resultado aki United ta cay pa di 15 lugar di e campeonato Ingles cu 39 punto den 35 wega, mientras cu Brentford ta na di 9 lugar cu 52 punto. Manchester a cuminza bon ora cu den di 14 minuut Mason Mount a anota e 1-0, pero

un auto gol di Luke Shaw den di 27 minuut a empata e wega mientras cu apenas 6 minuut despues Kevin Schade a anota e 2-1 pa Brentford. Den di 70 minuut Schade a anota un biaha mas pa pone e score na 3-1 y 4 minuut despues Yoane Wissa a anota e 4-1. Den di 82 minuut Alejandro Garnacho a anota e 4-2 pa Manchester, mientras cu den tercer gol di United a wordo anota pa Amad Diallo den di 95 minuut.

Tottenham Hoptspur y West Ham United a keda empata 1-1



INGLATERA: Diadomingo ni Tottenham Hoptspur ni West Ham United a subi den e standings di Premier League di Inglatera. Ambos ekipo a anota den prome mitad so y na final e wega a caba den un empate di 1-1. Cu e empate aki Spurs ta keda na di 16 lugar di e

campeonato Ingles cu 39 punto den 35 wega, mientras cu West Ham ta na di 17 lugar cu 1 punto menos.

Tabata den di 15 minuut Wilson Odobert a anota e 1-0 pa Tottenham, mientras cu e gol di empate pa West Ham a wordo anota pa Jarrod Bowen den di 20 minuut.

DEPORTE INTERNACIONAL

Real Madrid ta keda 4 punto tras di FC Barcelona despues cu ambos ekipo a gana

Mbappé a logra hat trick pa Real

SPAINA:

Diasabra na dado momento tabata tin un indicacion cu FC Barcelona lo por perde punto, ora cu nan tabata perdi contra Real Valladolid.

Sinembargo e ekipo Catalan a bin bek pa gana 2-1.

Diadomingo Real Madrid ta-

bata sa e ora ey cu nan tabata tin cu gana pa no cay atras mas den nan lucha pa bira campeon di La Liga.

Real a domina e prome parti di nan wega contra Celta de Vigo y apesar cu den di dos mitad Celta a bin bek bon, Madrid a gana 3-2.

Cu e resultado aki Real ta sigui 4 punto tras di Barcelona, faltando 4 wega pa e temporada termina.

Kylian Mbappé tabata e homber grandi pa Real cu 3 gol (33', 39', 48'), mientras cu Javi Rodriguez y Williot Swedberg a anota e golnan pa Celta.



Chelsea cu triunfo importante riba Liverpool

INGLATERA:

Diadomingo Liverpool no tabata tin nada mas pa hunga pe, mirando cu nan ta campeon caba di Premier League.

Di otro banda Chelsea si ta hungando pa algo importante, esta clasificacion pa Champions League.

E prome 5 ekiponan di e campeonato Ingles ta bay participa na Champions League proximo temporada y door di gana Liverpool 3-0 Diadomingo, Chelsea te ainda ta na di 5 lugar cu 63 punto den 35 wega.

Nottingham Forrest ta na di 6 lugar cu 60 punto, pero cu 1 wega menos hunga.

E prome gol di Chelsea a wordo anota pa Enzo Fernandez den di 3 minuut caba, mientras cu e 2-0 tabata un auto gol di Jarell



Quansah den di 56 minuut.

Den di 85 minuut Virgil van Dijk a anota e 2-1 pa

e tercer gol di Liverpool tabata un penalty anota pa Cole Palmer den di 96 minuut.

Sandhagen den di dos rond a gana su pelea di UFC contra Figueiredo



DES MOINS:

Cory Sandhagen a manda un señal pa su otro contrincante nan den bantamweight, door di domina e pelea di UFC na Des Moines Diasabra anochi contra Deiveson Figueiredo.

Sandhagen den prome rond claramente tabata e mihor bringador y na dado momento den di dos rond ora cu un biaha mas e tabata domina, Figueiredo a dicidi di rindi ora cu el a lesiona su rudia.

E pelea a termina na 4:03 minuut den di dos rond y oficialmente a wordo declara un knockout tecnico (TKO).

Sandhagen a domina e pelea di comienso te final cu 54 golpi significante contra 6 di Figueiredo y 98 golpi total compara cu apenas 8 di su contrincante.

Despues di e pelea Sandhagen a haci un apelacion na UFC pa dune un oportunidad pronto pa e bringa pa campeon.

AZ a gana Go Ahead Eagles pa keda na di 6 lugar di Eredivisie



HULANDA:

Hungando na cas Go Ahead Eagles no a logra gana AZ.

Ambos ekipo a cuminsa e wega cu 47 punto y awor cu AZ a gana 3-0, e ekipo di Alkmaar ta keda na di 6 lugar di Eredivisie cu 50 punto, mientras cu Go

Ahead ta na di 7 lugar.

E prome gol di AZ tabata un auto gol di Gerrit Nauwer den di 15 minuut.

Den di 44 minuut Wouter Goes a anota e 2-0 y den di 74 minuut Jayden Addai a anota e tercer gol di AZ pa sigura e triunfo.

Noticianan for di Hulanda

Polis na Argentina a intercepta centenares di kilo di cocaina destina pa Hulanda



ARGENTINA Polis di Argentina den fin di siman a logra un exito un biaha mas.

un barco cu tabata nabega bao di e bandera di islanan Marshall, a resulta di ton 469 kilo di cocaina abordo.

segun prensa Argentino, e droga tabata na caminda pa Amsterdam.

E barco cu ta transporta grano a haci un biahe remarcable prome cu e lo yega Hulanda.

Un di e personanan cu a wordo deteni riba e barco tabata un koki.

E investigacion lo determina cua lo ta e siguiente pasonan di autoridadnan na Argentina.

Mas cu 100.000 euro colecta pa muchanan di centro pa buscadornan di asilo bay Efteling



HULANDA: Dentro apenas algun ora Diasabra a logra colecta mas cu 100 mil euro pa yuda hobennan di un centro pa buscador di asilo na Friesland bishita parke di atraccion Efteling.

A cuminsa diferente accion di crowd funding como protesta contra remarkenan di minister di asilo Faber, kende Diabierna a expresa su mes cu rabia contra e plan aki.

E asina yama Centraal Orgaan opvang asielzoekers (COA) a yama e accion uno di curazon grandi, pero ta keda para ariba cu no ta trata aki di un dia di keiro.

E 4 accionnan di crowd funding a colecta mas cu 104.000 euro, pa asina e muchanan por bishita e parke y pasa bon. awor nan tin cu wak si esaki ta bay logra ainda y con e ta bay wordo hinca den otro.

Solucion den conflicto relaciona cu seguridad riba Amsterdam CS



HULANDA: E treinnan di Eurostar cu ta core pa Londres, cuminsando fin di Mei un biaha mas por sali na tempo for di Amsterdam Centraal.

A yega na un solucion pa e scarcedad di

Empleadonan di Marechaussee. Intrahadornan particular do seguridad ta bay cuminsa yuda den e

sala di salida na e station.

Eurostar actualmente ta transporta diariamente 600 biahero, 200 mas cu anteriormente tabata e caso, danki na un terminal mas grandi na Amsterdam CS.

apesar di e hecho cu for di basta tempo e

aumento den e cantidad di pasahero tabata conoci, minister di Asilo y Migracion Marjolein Faber te na ultimo momento a duna di conoce cu no tabata tin suficiente personal di Marechaussee pa atende cu e cantidad di pasahero.

Awor porfin a yega na un solucion.

Persona herida den hincamento riba Amsterdam Centraal



AMSTERDAM: Den un caso di hincamento na e banda di centro di ciudad di Amsterdam Centraal, Diabierna mainta tabata tin un caso di hincamento.

Den esaki un homber a resulta herida.

E victima a wordo transporta pa hospital pa ricibi tratamento pa su

heridanan.

Un rato despues di e incidente polis a logra pone man riba e sospechoso.

El a wordo deteni y transporta pa warda di polis.

Debi na e incidente, parti di e entrada di e station tabata cera te cu 08.30.

Miembronan di Mustang Car Club Aruba a observa Dia di Rey



ORANJESTAD (AAN): Riba Diasabra merdia cu tabata riba e Dia Oficial di celebracion pa Dia di Rey, e miembronan di Mustang Car Club a tene un evento. Nan a reuni riba e parkinglot grandi dilanti di Compleho Deportivo Frans Figaroa na Shaba, pa asina start cu un recorrido. Cada miembro cu ta orguyoso di

nan vehiculo Ford Mustang, a prepara nan mes pa asina haci un recorrido cu ta cumpli cu tur regla y garantiza asina seguridad den trafico. Despues di a combersa y saluda otro, a sali pa asina core nan ruta special pa Dia di Rey. E tabata uno exitoso y tur hende a pasa un dia agradable.

Try this offer at our new location:
Domino's Pizza Sta. Cruz
Opening May 2025!


**BUY 2 MEDIUM
BBQ CHICKEN
— OR —
2 TOPPINGS
PIZZAS
FOR 45⁰⁰ AWG**
Excluding Delivery Charge

STA CRUZ 585 0333 **PALM BEACH 586 0333** **PARADERA 582 0333** **SAVANETA 584 0444** **BOULEVARD 583 0333**

ORDER AT
DOMINOSARUBA.COM
 

Offer is not valid in combination with any other Domino's Aruba offer or promotion. Best Pizza Aruba N.V. reserves the right to stop the promotion at any time without prior notification. Prices do not include delivery charge. This offer is valid from April 14, 2024 to June 02, 2024 or until further notice.



GORIA
movies dining entertainment play

MOMS UP!

— BIG LOVE. — BIG REWARDS

FROM MAY 1 TO MAY 31

Super Card and Gloria App members,
it's your time to shine!

To participate automatically, make sure you have the **Gloria App** or be a **Super Card** member.

For every purchase of **25 AWG** in all **Gloria brands**, you'll get an entry to win.

iPad 11 iPhone 16 Pro Max Apple Watch.

THE MOVIES P.F. CHANG'S Olive Garden SIZZLE STARBUCKS STAY & PLAY PIZZA Pizza ice cream Lettuce Eat

Cas di Cultura ta cera su auditorio temporalmente pa motibo di seguridad



ORANJESTAD (AAN): Cas di Cultura (CDC), teatro y centro cultural nacional di Aruba, ta anuncia cu e Auditorio lo cera temporalmente y di forma inmediato pa motibo seguridad. E condicion deteriora di e sala principal ta presenta riesgo pa seguridad. E desicion aki a wordo tuma pa garantiza seguridad y bienestar di artista, bishitante y personal – cu semper ta e prioridad mas halto pa Cas di Cultura.

Mientras cu e Auditorio ta keda cera te cu proximo aviso, e resto di e facilidadnan di CDC – incluyendo e sala di exposition, INCBTR, foyer, Scol di musica Rufo Wever y Scol di baile Diana Antonette – lo sigui opera normalmente, cu evento, les y exposicionnan programa. Stichting Schouwburg Aruba, cu ta maneha Cas di Cul-

tura, hunto cu autoridannan ta monitoriando y evaluando e situacion y lo sigui duna mas noticia ora esaki ta disponibel.

Cas di Cultura a percura pa inventarisa lugarnan alternativo pa e presentacionnan y eventonan cu tin programa pa e Auditorio, pa asina actividadnan cultural por sigui sin hopi interrupcion. Lo notifica cliente y publico unda e eventonan planea lo tuma lugar.

Ya pa un periodo basta largo Cas di Cultura a cuminsa cu e plan pa drecha y renoba su edificio y na maart ultimo a lansa su campaña pa recauda fondo hunto cu A.I.B. pa realisa e plan di renobacion.

Desafortunadamente nos ta forsa pa cera nos Auditorio mas tempran cu a planea. Nos ta invita tur hende cu kier sa mas y kier yuda cu e futuro di nos teatro nacional, pa bishita nos website pa haya sa mas di e plan y informacion con tambe por aporta na e realisacion.

We are looking for...

The Aruba Tourism Authority is seeking a creative and dedicated professional to join our organization.

Accounting Assistant

The Finance and Business Support Unit is responsible for the financial operations of the A.T.A. through ensuring correct financial administration and the availability of up-to-date financial management.

The Accounting Assistant reports to the Financial Controller, and is responsible for the processing, accuracy and completeness of the financial transactions and data. Additionally, this role is responsible for the decision-making on processing financial transactions, ensuring up-to-date financial administration, solving problems with users and providing customer service.

Interested and eligible candidates can submit their application and motivation letter via our Career Portal.

Deadline for the applications are May 16th, 2025



SCAN ME!

And visit our Career Portal for more information about the positions and requirements.

ARUBA
ARUBA TOURISM
AUTHORITY

Noticia Internacional

Polis britanico a aresta ocho persona vincula cu un supuesto complot terrorista na Reino Uni; siete di nan ta irani

LONDON: Polis Metropolitan di London a informa diadomingo, e detencion di ocho homber den dos operativo separa, incluyendo siete ciudadano irani, sospechoso di ta vincula cu un supuesto complot terrorista pa ataca un localidad specifico na Reino Uni.

E operacion a tuma lugar simultaneamente na London, Swindon y Greater Manchester, y dirigi pa e agencia contra terrorismo di polis, cu sosten di unidatnan local.

E detenidonan, di edad entre 29 y 46 aña, a wordo deteni riba sospecho di ta preparando un acto terrorista y ta keda cera mientras cu e investigacion ta sigui. Polis a bisa cu ainda ta verifica e nacionalidad di e otro homber.

Den un declaracion oficial, polis a bisa cu agentenan a

tuma contacto caba cu e establecimiento supuestamente involvi pa informa nan di e menasa y duna conseho y sosten, aunke e lugar no a wordo identifica publicamente “pa motibonan operacional.”

Comandante Dominic Murphy, hefe di e agencia contra terrorismo, a splica cu e operacion ainda ta den su fase inicial, aunke e progreso ta rapido. Segun Murphy, varios liña di investigacion a wordo explora pa identifica un posibel motivacion tras di e complot, y tambe pa evalua si tin cualkier riesgo adicional pa publico.

“Nos ta compronde cu e publico por ta preocupa, y manera semper, mi ta pidi nan pa keda vigilante y, si nan mira of tende algo cu ta preocupa nan, pa tuma contacto cu nos,” el a agrega.

Tambe e comandante a destaca e colaboracion di diferente forza di siguridad durante henter dia. E operacionnan a inclui entrada hudicial di varios propiedad situa den e areanan caminda e detencionnan a tuma lugar, como parti di esfuersonan continuo pa busca evidencia.

“Nos ta trahando estrechamente cu oficialnan local den e areanan caminda nos a haci detencionnan, y mi kier gradici nos coleganan den henter e pais pa nan apoyo,” Murphy a bisa.

Secretario di Interior di e pais, Yvette Cooper a bisa The Guardian cu e detencionnan a wordo impulsa pa “evento serio cu ta demostra e necesidad pa sigui adapta nos medidanan contra menasanan pa seguridad nacional.”

Den e otro operacion, cu no ta relaciona cu e prome,



polis a aresta tres homber di 39, 44 y 55 aña, tur Irani.

E biaha aki, e detencionnan a wordo haci bao di e Ley di Seguridad Nacional 2023, cu ta autorisa polis pa detene personanan sospecha di ta “envolvi den actividatnan menasante di un potencia stra-

hero”, polis di London a bisa den un comunicado. Desde comienso di 2022, Reino Uni a identifica mas cu 20 complot respalda pa Iran cu ta forma menasanan potencialmente letal pa ciudadanonan y residentenan britanico, segun e gobierno.

Merca ta diseñando un plan di siguridad hunto cu OEA pa confronta e gruponan criminal cu ta controla Haiti



Departamento di Estado ta diseñando un plan pa confronta e gangnan criminal cu ta controla Haiti. E iniciativa geopolitico aki tin dos componente basico: represion letal di organisacionnan criminal y trabou diplomatico meticuloso pa guia e transicion democratico.

E administracion Republicano ya a tuma contacto cu Albert Randim, e proximo Secretario General di e Organizacion di Estadonan Mericano (OEA). Randim tabata habri pa e proposicion di Departamento di Estado.

E predisposicion di e futuro Secretario General ta basa riba motibonan politico y historico.

Randim sa cu un recorte den contribucionnan financiero di Merca na OEA ta

na caminda, y si finalmente e join e iniciativa diplomatico di Donald Trump, e por mitiga e cortamento di presupuesto cu ta na Departamento di Estado.

E secretario general elegi tin un precedente historico pa convence e miembronan mas reticente di e foro regional: na 1965, riba peticion di presidente Lyndon B. Johnson, OEA a manda un contingente di Forsanan Interamericano di Mantenimento di Paz pa Republica Dominicana.

Brazil, Colombia, Chile y Mexico por argumenta cu e mision di paz aki a responde na e logica di e Guerra Friu na Latino America, pero e berdad ta cu e ta sirbi como un precedente, y na e ocasion aki, e lo wordo uza pa suprimir gangnan y fortalece insti-

tucionnan na Haiti.

E decision di Merca pa promove un aliansa diplomatico cu OEA ta surgi di e fracaso di e ultimo mision coordina pa Nacionnan Uni na Haiti. E movimiento multilateral aki—ehecuta pa polis di Kenia—tabata impotente contra gangnan haitiano.

E Oficina Integra di Nacionnan Uni na Haiti (BINUH) a registra mas cu 1.600 morto y 580 herido pa motibo di violencia di gang na Haiti durante e prome cuartal di 2025.

“Esaki ta un di e crisis mas compleho y urgente di mundo, cu implicacionnan pa estabilidad regional y mundial,” segun Amy Pope, Director General di e Organizacion Internacional pa Migracion afilia na Nacionnan Uni.

Noticia Internacional

Donald Trump a bisa cu e no ta considerando pa postula pa un di tres mandato den Cas Blanco

WASHINGTON: Presidente di Merca Donald Trump a declara den un entrevista transmiti diadomingo, cu e no ta considerando seriamente pa postula pa un di tres mandato den Cas Blanco, algo cu e Constitucion di Merca ta prohibi explicitamente.

Den un combersacion cu Kristen Welker, moderador di "Meet the Press" di NBC News, Trump a laga sa bon cla: "Esaki no ta algo cu mi ta buscando pa haci", segun parti di e entrevista.

Trump, cu tabata presidente di 2017 pa 2021, a insinua repetidamente e posibilidad di un di tres periodo desde regreso na poder e aña aki. Sinembargo, den su entrevista di diadomingo, e mandatario a cambia di opinion, aclarando su palabranan: "Mi ta kier tin cuatro aña grandi y despues entrega e oficina na un hende, idealmente un gran republica-



no, un gran republicano cu lo sigui."

El a agrega cu e ta kere cu "cuatro aña ta suficiente tempo pa haci algo realmente espectacular."

Aunke e posibilidad di un di tres periodo ta prohibi pa e di 22 Enmienda di e Constitucion di Merca, cu ta establece un limite presidencial di dos periodo, Trump a declara anteriormente cu e no a descarta e posibilidad di reforma constitucional. Na maart, el a afirma cu e no tabata "joke" riba e posibilidad di

postula atrobe, sugeriendo cu tabatin "metodonan" cu por a permiti esaki, aunke e no a ofrece detayenan adicional.

Den e entrevista, Trump tambe a wordo interroga riba su compromiso cu e Constitucion Mericano y cu e aplicacion di ley. Puntra directamente si e ta kere cu e mester cumpli cu e ley supremo di e pais, Trump a contesta, "mi no sa", agregando cu e no ta un abogado pa duna opinion riba e detayenan legal di e Constitucion.

Maestro di Texas a wordo aresta pa uza un fluit pa cacho contra un estudiante cu autismo



Un docente na Waco, Texas, ta enfrentando acusacionnan di lesion na un persona desabilita despues di supuestamente a uza un fluit electronico di cacho pa controla e comportacion di un alumno di 6 aña cu autismo. Segun e informe di polis, e docente, identifica como Amber Escamilla, di 46 aña, a uza e aparato pa "forsa cumplimento" cu e mucha ora el a bira sobrestimula na Scol Basico Bell's Hill.

E investigacion a cuminsa despues cu polis di Waco ISD a haya un alerta di servicio di proteccion di mucha relaciona cu un posibel caso di abuso. Segun declaracion di e mayoranan di e mucha, e mucha homber, cu tin oido sensi-

tivo, ta bisti headphone pa bay scol pa proteha su mes di sonidonan duro.

Sinembargo, na fin di 2024, el a cuminsa regresa cas yorando di e dolor den su oreanan, keriendo cu esaki tabata causa pa e alarmanan di candela.

Den e testimonio di e mama di e mucha homber, su yiu a cuminsa haya miedo di bay scol pa motivo di e sonido, cu el a bisa tabata insoportabel.

Segun rapport di polis, na november 2024, e director di scol a confisca un fluit electronico di Escamilla.

Si Escamilla wordo condena pa e acusacion di delito di tercer grado, e ta enfrenta un castigo di te cu 10 aña di prison.

Polis di Brasil a frustra un atake di bom durante e show di Lady Gaga na Rio de Janeiro



RIO DE JANEIRO: Polis di Rio de Janeiro a anuncia diadomingo cu nan a frustra un atake di bom dirigi riba e concierto di e cantante Mericano Lady Gaga na Copacabana, cu a conta

cu presencia di casi dos milyon persona.

Den un comunicado publica riba nan medianan social, polis brasileiro a confirma dos detencion; e persona responsabel pa e

plan y un hoben.

"Esnan involvi a wordo identifica como individuanan cu tabata recluta participantenan practicamente pa realiza atakenan usando explosivonan improvisa y cocktail Molotov pa haya notoriedad riba medianan social," polis a informa.

E lider di e grupo, kende tambe "a plama discurso di odio y a prepara un plan dirigi principalmente riba muchanan, hobennan, y e comunidad LGBTQIA+," a wordo aresta pa posesion ilegal di un arma di candela na Rio Grande do Sul, y e hoben tambe a wordo aresta riba acusacionnan di posesion di pornografia infantil na Rio.

E investigacion a cuminsa

despues di un alerta emiti pa e Subsecretaria di Inteligencia di Polis Civil (Ssinte), cu a detecta evidencia di un complot pa realiza atakenan uzando aparatonan explosivo improvisa.

Den e operacion a participa DCAV (Delegacion di Yudansa pa Victimanan di Mucha y Adolescente), DRCI (Delegacion di Represion di Criminalidad di Computer), di 19 Warda di Polis (Tijuca), y e team tactico di Coordinacion di Recursonan Special (Nucleo).

Investigacionnan a indica cu e plan di atake tabata pa probecha di e publico grandi cu tabata den e evento pa maximisa e impacto

y visibilidad di e evento. Autoridadnan no a especifica e tipo di aparato uza, pero a confirma cu tabata trata di un aparato casero cu potencial letal. Durante Operacion 'Fake Monster', cu a wordo yama asina pa e prome album di e cantante, autoridadnan a haci 15 entrada hudicial na Rio de Janeiro, Sao Paulo y Mato Grosso.

Polis Civil a indica cu accion preventivo tabata esencial pa evita un tragedia di gran proporcion.

Pa e concierto di Lady Gaga diasabra, autoridadnan a desplega un aparato di seguridad impresionante, cu mas di 5 mil agente, drone y camara cu reconocemento facial.

Noticia Internacional

Israel a priminti represaya contra e regimen Irani y e rebeldenan Houthi di Yemen pa e atake na aeropuerto di Tel Aviv

TEL AVIV: Prome Minister di Israel, Benjamin Netanyahu, a priminti un contesta na e Houthis di Yemen y nan patrocina-dornan Irani despues cu e rebeldenan a ataca e area di e aeropuerto principal di Israel, heridando seis persona y forsanando varios compania di aviacion grandi pa suspende nan vuelonan.

E atake a sosode algun ora prome cu e militarnan Israeli a confirma e convocatorio di miles di reservista pa expande e guerra di 19 luna na Gaza contra e militantenan Palestino di Hamas.

E militarnan a confirma cu e atake riba e perimetro di e aeropuerto Ben Gurion di Tel Aviv, a wordo lansa for di Yemen y a wordo ataca



apesar di “varios intento pa intercepta e misil.” Den un video publica riba Telegram, Netanyahu a bisa cu Israel a “actua contra” rebeldenan respalda pa Iran den pasado y “lo actua den futuro.” “E no lo sosode di biaha, pero lo tin hopi explosion”, el a agrega, sin elabora. Netanyahu despues a

bisa cu Israel tambe lo responde na e regimen Irani “na un tempo y lugar cu nos kier”. E video di polis a mustra agentenan para na rand di un buraco hundo den tera, cu e toren di control visibel nan tras. No a raporta ningun daño na infraestructura di aeropuerto.

Venezolanonan ta existi vuelonan di repatriacion na Mexico



Migrantenan Venezolano a sigui protesta na e frontera sur di Mexico, pa rechazo di gobierno di Nicolas Maduro, pa regla vuelonan di repatriacion, aunke e presidente di Mexico, Claudia Sheinbaum a confirma cu ya caba nan a resumi. Venezolanonan, cu ta representa un 25% di migracion iregular na Mexico, a intensifica nan protestan pafo di e stacion Siglo 21 di Instituto Nacional de Migracion (INM) na Tapachula, e ciudad mas grandi na frontera cu Centro America, unda nan ta grita: “Nos kier bay bek!”

E manifestante Thais Aguilar a bisa prensa cu nan manifesta “dia y anochi” pafor di Siglo 21, un di e centros di migracion mas grandi di Mexico, ora nan ricibi un contesta pa loke ta trata e vuelo humanoitario. “Mi ta pidi presidente Claudia Sheinbaum pa yuda nos y por favor permiti mas vuelo humanoitario, y pa papia cu presidente Nicolas Maduro pa asina mas vuelo humanoitario pa wordo poni disponibel pa Tapachula, Tuxtla Gutiérrez, y Ciudad di Mexico el a bisa.

A pesar di e orden di Corte Internacional di Husticia, e regimen di Maduro ta insisti riba eleccionnan regional na Essequibo

CARACAS: E regimen di Nicolas Maduro a insisti diasabra, cu nan lo tene eleccionnan regional den e region di Essequibo dia 25 di mei, a pesar di e sentencia di Corte Internacional di Husticia, cu a ordena nan no haci esaki.

Den un mensahe publica riba Telegram, e vice-presidente ehecutivo di Venezuela, Delcy Rodriguez, a afirma cu e teritorio ta pertenece na su pais y, por lo tanto, apesar di e reclamonan di Guyana, nan tin “derechonan historico” riba dje.

“Venezuela lo defende su derechonan historico riba su teritorio sagrado, y den unidad nacional, nos ta bisa tur mainta: e solo di Venezuela ta sali den e Essequibo,” e chavista a skirbi, ratificando e elec-

cionnan pa gobernador di e region, cu lo tuma lugar aki tres siman.

Tambe el a recorda e posicion di Palacio Miraflores riba e disputa di siglonan aki y a enfatisa cu “Guyana no tin otro opcion cu negocia den cuadro di e Acuerdo di Ginebra (1996), na lugar di busca solucionnan militar cu ta menasa paz regional.”

E enfrentamento entre Caracas y Georgetown riba e teritorio di 160.000 kilometer cuadra, rico na recursonan natural, a intensifica recientemente cu e descubrimiento di depositonan di zeta. Desde e tempo ey, Maduro a bin ta manda señalnan creciente di su interes pa tuma control di e area cu forsa, incluyendo e despliegue di barconan militar y su decision den

e ultimo simannan pa eligi un gobernador y representantenan pa prome biaha.

Como parti di su strategia, na december 2023 nan a realiza un referendum pa creacion d un estado nobo na Essequibo, y tambe e otorgamento di ciudadania na su habitantenan, ignorando decisionnan hudicial internacional anterior cu ta urgi e partidonan pa abstene di tuma medidanan cu por deteriora e situacion actual. Pa motibo di e accion aki, Corte Internacional di Husticia a otorga medidanan provisional pa preveni mas tension den e region.

Sinembargo, lunanan pasa, Maduro a anuncia cu e lo inclui e area aki den e eleccionnan regional programa pa mei, loke a causa alarma den e gobierno di



Irfaan Ali y a entrega un peticion nobo na Nacionnan Uni.

Como resultado, diahuebs pasa Corte a reafirma unanimamente e medidanan cu nan a dicta y un biaha mas a ordena chavismo pa abstene di tene e eleccionnan.

Especificamente, e texto di

e Corte mas halto di Nacionnan Uni ta estableciendo cu “pendiente di un decision final riba e caso, Republica Bolivariana di Venezuela lo abstene di tene eleccion of preparacion pa eleccion den e teritorio disputa, cu Guyana ta administrar y eherce control riba dje actualmente.”

ATIA y Gobierno riba mesun liña pa bin cu Dialogo Nacional

ORANJESTAD (AAN): Di-aranson 30 di april, Prome Minister Mike Eman a reuni cu Directiva di Aruba Trade and Industry Association (ATIA) den cual a atende cu varios topico di interes comercial. Pa Prome Minister Eman, ta hopi importante pa tene dialogo regularmente cu gremio y sindicato cu e meta pa yega na un consenso riba e plataforma cu kier introduci di dialogo nacional.

Segun Presidente di ATIA Herrick Henriquez, despues di e ultimo encuentro cu formado Mike Eman y Gerlien Croes, awe a bolbe reuni cu Gobierno. A dialoga entre otro riba e status di e Rijkswet y riba e fondo di inversion cu Gobierno kier bin cu ne. ATIA ta optimista cu Gabinete AVP-Futuro lo yega na un Consensus Rijkswet nobo, cu e meta pa yega na una tasa di interes reduci di 3.2%.

Ta consciente cu e tardansa di parti di IMF, cu mester a entrega un conseho financiero como parti di e normanan cu mester entrega na Hulanda prome cu dia 1 di mei. E reduccion di interes di 5.1% pa 3.2% aki ta yuda Aruba den su finansa publico y por tin un efecto positivo pa pueblo, mirando cu tin mas placa cu ta keda na Aruba y cu por inverti den entre otro asuntonan social y enseñansa. Prome Minister a sigura cu lo manda gran parti di e documentonan Hulanda na tempo pa por yega toch na e interes reduci.

Pa locual ta trata e fondo di inversion, ATIA ta sostene e pensamiento aki, mirando cu ta facil pa continuamente traha proyecto-nan nobo, pero sin un plan structural di mantencion, esaki na final di dia lo costa Aruba mucho mas. Ademas a papia riba e scarsedad di labor cu tin actualmente, premirando e cantidad di camber di hotel cu lo bin acerca e aña aki ainda. Ademas a atende cu e tema di burnout di empleadonan tur caminda, cual mester mitiga mas tanto posibel, pero tambe mester stimula productividad laboral. Hunto cu Gobierno kier yega na algo inovativo pa trece cambio positivo pa Aruba. Como isla chikito, nos mester keda innova y adapta na cosnan nobo por por sigui ta competitivo den e mundo dinamico.

ATIA a comparti al-

gun idea cu nan tin, pa loke ta trata innovacion, mehoracion y fortificacion di nos sistema di enseñansa. Tin necesidad hopi grandi di parti di comercio pa acopla nos enseñansa miho na e sector comercial. Locual cu ta duna den enseñansa, mester cuadra cu e demanda di comercio y ta esencial cu e hobennan cu termina scol por drenta e mercado laboral cu e preparacion adecuada.

ATIA su vision ta importante pa hunto cu Gobierno, saca Aruba pa dilanti y percura pa en realidad comparti progreso cu henter comunidad.



Casonan Penal pa wordo trata den Corte di Husticia na Aruba

Casonan di Dialuna 5 Mei 2025

Horario	Sospechoso	Acto Castigable
8:15 am	O.J.M.D. J.A.A.N. J.A.M.L. I.S.C.A. J.A.A.S. G.A.E. O.J.M.D.	E siete sospechosonan aki lo presenta dilanti Huez, pa asina scucha e sentencia den nan caso.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Dialuna 5 di Mei 2025

den Sala di Corte di Husticia na Aruba. E informacion aki a wordo suministra door di Ministerio Publico.



Pa chica Pos - Habri tubería y wc. Servicio lihe y confiabel.

Experiencia ta manda

CICLONE
Septic Tank Service

Tel: 564-0607 / 734-0607

WASMACHINE

Ta drecha wasmachine, dryer, stoof, forno. Ta drecha, service y instala airco. Tel: 742-2518. Ta drecha na cas mes.

TA CHAPI

Corta mata.

Ta tira sushi afo. Nos ta hardineria completo na super bon prijs. Tel: 569-8003

CONSTRUCCION REMODELACION

Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construcccion di cas y apto bon prijs. Free quotation. Tel: 561-2137

TA DRECHA

Wasmachine, dryer, frigidaire, freezer, airco y service. Ta drecha e na cas. Tel: 742-4616 / 567-3634

HANDYMAN 2025

Roof repair, welding new and repair, painting industrial, painting house, building, carpentry new and repair, all around maintenance. Call now 743-8155 di 8'or pa 5'or pm.

PLOMERIA Y CONSTRUCCION

Nos ta haci tur trabao di plomeria grandi y chikito. Lavamanos, wc, lavaplatu y ducha.

Tel: 563-9130

ASSOCIATED REALTORS

TA BENDE

Un cas espacioso di 2 camber y 1 baño na Rooi Kochi cu ocean view, tereno 752 m², construi 266 m² y pa Afl.595.000,00 Yama Mito na 593-6318

ASSOCIATED REALTORS

TERENO PA BENDE?

Bo tin pensa di vende bo tereno? Eigendom of erfpacht. Anto laga nos atende cu tur e tramitanan di venta via notario. Yama Mito na 593-6318 pa un presentacion.

DIARIO

Pa noticia, cumpleaños, comentario, redaccion: noticia@diario.aw

Tel: 582-6747

Telefonnan di **DIARIO**
582-6747
Fax 582-8551

SHE'S MORE THAN JUST A GREAT CHEF,
SHE'S A TECH BOSS!



SAVE AWG.330

FREE SOUNDBAR
with this purchase

4K HDR

Google TV

TCL 4K UHD
Google
Smart TV
75"
NOW
AWG.1499
WAS AWG. 1829



Apple
iPhone 16E
128 GB
AWG. 1599

Samsung
Galaxy S25
128 GB
Smartphone
AWG. 1849



LG UHD TV

SAVE AWG.110

50" 4K
LG UHD
SMART TV
NOW
AWG.899
WAS AWG.1009



SAVE AWG.200

65" 4K
TCL QLED
GOOGLE
SMART TV
NOW
AWG.1099
WAS AWG.1299



569-2407
AMC EAGLE MEGASTORE

568-9070
AMC SAN NICOLAAS

HORARIO: 9am - 6pm DIALUNA PA DIASABRA



E di dos edicion di e quiznight Kibra Cables



ORANJESTAD (AAN): Recien a tuma luga den ballroom di Alhambra e di dos edicion di e quiznight Kibra Cables. E organisado y MC tabata Addonsito Croes y e asistente Thyara Doornkamp y team. Un total di 9 grupo a participa den e weganan cu tema "Aruba" parti den Paisahe, Berdad of Falso, E caha magico, Potret famoso y Stoelen dans. E gruponan tabata Cocoli-

shi brains, Warawara warriors, Alhambra Prikichi, Good Vibes, Crioyo Planners, Kini Kini, Smarties, Nos cu nos y Toteki sabi. Finalmente e ganado a resulta Warawara Warriors sigui pa Toteki Sabi na di dos luga. Cocolishi Brains tawata e grupo di ambiente y Alhambra Prikichi e miho uniforma.

The Aruba Ports Authority N.V. is publicly tendering: Installation of Two Bollards at India Quay, Port of Oranjestad.

According to the tender document: CAPEX PROJECT APA-PFAU-2-25

Short Project Description

The project consists of the following activities:

- The removing of an existing bollard.
- The supply and installation of 2 pieces of 1500kN bollards at India quay at the port of Oranjestad.
- Supply and installation of a steel cage for each bollard.
- Demolishing of the old "havenkantoor".
- Relocation of the leading light.
- Restoring of the pavement around the new bollards.

The tender documents will be available for purchase from **May 5, 2025, up to May 9, 2025 until 4:30 pm local time**, via email tender@arubaports.com against payment of **Afl. 500.00**.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **May 9, 2025, at 4:30 pm local time**.

Bank Account Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description/Reference: RFP APA-PFAU-2-25

For additional details of this tender, visit
<https://www.arubaports.com/main/installation-2-bollards-quay-i/>
or scan this QR code.

